



10434

退谷文集 祭文

祭文目

祭恭愍衍聖公文

戶部滿漢閩屬公祭京江文

王聞學祖母祭文

祭王麓臺文

祭王少司寇文

祭聖裔五經博士孔公文

退谷文集

祭文目

祭淮徐道劉廷珍文

祭劉光祿夫人婁淑人文

祭涿州王皞如年伯文

高聯布太老師祭文

昌黎萬年伯祭文

代張某祭叔文

祭任温叟文

輓張介蕘文



祭周親翁文

祭張慎五妹丈文

丁德輔祭文
祭人丈

祭李元伯文

祭李元佐文

祭李惠臣文

祭王祥萬文

祭羽南父文

退谷文集
祭文目

祭輿天兄文

祭呂太夫人文

祭劉耀先母文

祭王張母文

祭王張母文

祭朱親母王孺人文

祭饒親母文
文丈

退谷文集 祭文

退谷黃 越襟飛著

祭恭愍衍聖公文 代

至聖之德本同天地與國同休六十七世維恭愍公適承其嗣

聖祖恩隆

今上禮至生榮死哀無疆之恤君恩稠疊承受不愧公學邃密公德純粹公才肆應實稱其位倘別簡畀公更廣

退谷文集

祭文

一 十二卷

被祗緣世守禮樂祭器廟貌重光弓裘在笥式廊寢園鬱懋蒼翠 幸魯盛典借各執事實公請修煌煌有誌

易名恭愍允稱其謚維先文端綸扉視事公來獻壽同道一志以予長姑季君是字重以婚姻世叨親誼往予

孟兄奉詔引轡道出闕里嘗邀德施嗣予仲季後先一致余髮未燥長城久倚忽聞計音東望揮淚日月有時

隨道已治嗚呼尼山之陽下臨洙泗地久天長幽宮永

闕尚饗

戶部滿漢闔屬公祭京江文代

京江之許實生哲輔山川磅礴秀靈翔舞佑啓醇儒翼
亮

聖主元氣渾淪兩登政府二十年間周規折矩自公之生譽
過終童元衣庭授鳳起江東蛟騰菽苑遂覲宸楓儲引
瀛洲聞望日隆文衡屢典一秉虛公卿貳海歷簡在

宸衷爰立作相鑒此公忠太平有象時和年豐三侍沙漠戴
纘武功扈從南服奠此河工皆叅廟謨弼亮天工

退谷文集

祭文

十二卷

天顏有喜股肱以起恩禮日加榮遇無比當此昇平車書同
軌從容帷幄陳書滿几經公細心鈎其元旨經史子集
次第成紀擷其菁華去其糠粃黼黻文明方自茲始何
天不吊不遺一老公神精明公氣渾灑方倚長城忽歸
奢昊頃聞溢逝

皇心震悼卹賚備至難以永好摛辭寫哀揆敷

天藻調於元臣予告皆早獨於斯人未伸厥抱更申

巽命亟導諸境

子親奠九列庶正觀茲典禮以揚德行始以文學終以
從政爲時柱石優游彌性全受全歸古人輝映遭際如
此公爲不死性是同朝靡所瞻跂况兼司農以總端揆
其職司公所董理其等視儆惟公仰止公騎箕尾風
化邇敷公乎歸乎於誰之里薄設生芻清酒一壺公鑿
不爽公其鑿諸嗚呼哀哉尚饗

王閣學祖母祭文

一堂四世根於母德其積也厚其發也特富壽多男
生王國孫復有子均不家食中有一人邦之司直受天
之祐綸音是敢眷言顧之母心則憚繫惟太母封太
人淑人待贈樂此大椿當其八十親被恩綸母之哀孫
爲帷幄臣出納王言情懷以陳臣無祖母胡達振震臣
父臣子伯叔及身祖孫父子母教是遵恩斯勤斯母實
惇惇方臣未達備歷艱辛九熊畫荻督課維宣帝曰僉
退谷文集

祭文

四

十二卷

哉褒錫方新母顧衆子帶紱拖紳母顧諸孫濟濟彬彬
曾孫玉立振振循循由此期頤八千爲春胡天不吊僅
餘八旬緬想母儀愴焉傷神凡諸受德姻族媿親誼當
執紼泣下沾巾僉曰孟母失此芳隣六龍西幸頃復垂
詢服闋還朝孝孫有慶載颺母德宜有後命日月有時
威儀孔盛松栢九九以導諸境凡附棺者必誠必敬鬱
鬱慈慈佳氣肆映蔭我後人張仲季孟綿綿延延及諸
子姓尚饗

祭王麓臺文 代

嗚呼功成身退古人所稀以死勤事責任攸歸旣歷卿
貳更遯而肥詎弗優游不能奮飛蓋逢盛世嚮明而治
畏此簡書懷歸可媿以此淬礪鞠躬盡瘁生榮死哀才
餘其位識公之初同上公車聯名鳩塔自公及予把公
之表佩玉瓊琚作賦長才上林子虛習觀義獻精研六
書旁及丹青石田六如嗣是分手小試權輿畿輔割割
牛刀乍紆惜民物力陽鱈併鋤大吏交薦以永終譽游
退谷文集 祭文
歷三垣水蘂懸魚名章絡驛

五

十二卷

帝謂起予特改宮允講讀旋除更擢宮詹名高二疏復長北
門委珮紆徐維時農部樞紐財賦余忝夏官遴公伙助
予去冢宰一總部務理煩治劇戴星晨赴嗣是多賢和
衷一趣

上方嚮用豈暇自顧自公登朝屢邀異數

御墨淋漓頒賜優足詩是作家特荷

聖諭函宜專一神會精聚以彼精心託茲毫素太平有象妙

手銘鑄萬壽是圖朝野懼娛計公一生信多奇遇彼愛
公者衰老爲懼謂盍乞身樂此遲暮胡爲勞憊至於大
故寧知九重宵旰深宮君勞臣逸曷亮天工况被深恩
遲恤我躬死而後已據此丹忠嗚呼我公年同志同不
及吊公披寫此哀情感於中曷其有窮嗚呼哀哉尚饗

退谷文集

祭文

六

廿二卷



祭王少司寇文代

師友之義交勉以正靖共爾位慎終宜令終原于始存
誠主敬完名全節端由冰競嗚呼秀實忠則盡命伊昔
丙辰得人稱盛予之得君文兼以行中書數載夙興溫
清分校得士整而不輕出守肇高竿牘盡屏今輔肅公
撫廣行慶吾山彭公同辭合併推君廉潔獎君善政致
陞湖北臬無羈獍再陞滇藩兵不民橫豈無異趣不將
不迎久而相忘寅恭以竟入爲冏卿隨轉宗正方副總

退谷文集

祭文

七

十二卷

憲少司寇更持法寬平九列輝映會議體國徇庇是病
公而不私木強稱勁賑濟甘肅恩及萬姓宣德達情歸
奉朝請老病乞休優游彌性蒙恩 予告甫就清淨何
圖壽終涕泗交迸憶昨戊戌同主禮聞師弟總裁我輩
子緋得人報國公是公非曾不三年水逝雲飛爲君憾
者不得生歸爲君慰者恩出紫微生也殊榮死卹流徽
完名全節今昔所稀

祭聖齋五經博士孔公文代

命
維嶽降靈篤生於東代有令名爲世儒宗維昔先君佐

聖祖羣后四朝來享來王於時上公歲一相見私覲怡怡式
好以燕重以姻媪聯以肺腑余妹弱息公子第五締好
之後情愫益溥翁公介弟爵位茅土位尊祿重好惡與
同兄弟婚姻式好無窮繫予小子沐翁仁風勗予繼志
似續乃公歲時伏臘家慶融融維予妹氏坐春風中先
退谷文集
祭文
是

聖祖篤念先臣

天語煌煌恩及渺身馳謝之暇道泗水濱拜翁牀下積悃以
伸平原十日親炙淡旬海鶴姿致龍馬精神如日在東
光景方新何圖遽待聞有欠呻曾不幾時鶴馭上賓嗚
呼已矣失此大椿日月有時謀及窆窀時以先君營葬
惟寅臨風瀟涕弗躬弗親嗚呼哀哉尚饗

祭淮徐道劉廷珍文

代

嗚呼以人事君臣心之素獨人難知始終易誤非有平生官場暫聚始節雖伸安保遲暮持以入告往往謬瞽得一人焉不失故步視之若常渺矣難遇予往撫浙卓異所列得劉處州守令之傑謂其所操緇不能涅辦事之敏錚錚顯別五官并用八篆兼攝奏刀善然循良稱絕登諸薦剡寧以受悅隨監溫處晉西江臬異數頻加報稱倍切卓然有聲胡爲蹉跌失意上官頃得昭雪効力河工以時蓄洩余時總河工務煩多得君舊屬委以巡羅不遑啓處莫此清波成以三年淮黃無陂

聖駕

臨視善後不磨君稟方略載上輟躬画圖以進險易無

訛奏對稱職天顏以和委防高堰極險靡他用是起予題授淮徐歷今十載成法不渝無恃而逞罔怠而疎民

慶安瀾河以歸墟歲漕萬億安行自如顧視東南聖慮以紆如君之年未應懸車其如恬澹樂是幽居陳情予告委珮紆餘有如君者終如其初兩以薦起夙夜永譽

退谷文集

祭文

九

十二卷

如此薦引曷畏簡書稍一不然得不瘳余積勞已久謂
得歸畝子孝孫賢紆紳拖綬洛社幾人蔣花命酒如此
永日可登上壽胡爲不吊失此僚友孫判瑞州尚在左
右惟是曲靖天末之守子舍纔離匍匐反走日月有時
正於丘首同事幾年如君不苟溯洄神傷莫以清酒鳴
呼尚饗

退谷文集

祭文

十

十二卷

祭劉光祿夫人婁淑人文

代

嗚呼婦德之良無先於孝敬以相夫惟子是教茲爲婦
德重於工狎矧是閨閨女之視傲翳婁淑人系出名巨
曰嬪於劉蘋藻自親凡諸色養筆難具陳家人極口姻
姪津津當始于歸善事慈闈婦一若女怡悅不違小姑
登天痛不至非叔當迎娶出嫁時衣解簪脫珥助成光
輝生養死葬維光祿相必誠必信以至屬纊哀毀如禮
淑人是仗光祿未貴早隨夫唱夜燈佐讀我有旨蓄女

退谷文集

祭文

十二卷

紅相對載啓書篋迄於登朝韜其象服儉朴持家雍雍
肅肅至於課子督攻經史怠則以懲勤則以喜一不姑
息絕其怙侈頃各成名矜青綬紫凡此杼寫皆其大者
又宜家人亦善御下仁心爲質惠及矜寡前者光祿西
川驟馬淑人從行蜀道崢嶸險阻備歷雷雨縱橫聲色
不動卒反於京光祿晉秩淑人安榮謂登上壽福祿來
佑胡天不吊一疾莫救長辭閨闈歸於岩岫光祿煢煢
孰撫卑幼光祿所痛豈惟恩私維此淑人女子之師旣

孝且敬于姓宗支必敬必戒皆式倣之淑人之生 恩
榮早膺初封孺人安人再旌待贈淑人卓有令名亦可
不恨歸於九京惟是生人歎息貞淳失此女宗愴焉傷
神陳辭進酒微尚冀伸日月有時歸於窆窔嗚呼尚饗

退谷文集

祭文

十二卷

祭涿州王暉如年伯文

嗚呼才喆之生挺然立獨絕類離羣匪關望族譬彼岷
岡寸寸是玉焜耀之姿不掩於璞譬彼鄧林株株皆木
樛棟之材干霄蔽日事業功名震人心目維公之生實
在世家人業青緗其書五車貂蟬滿座秋實春華遠瞻
先澤從龍渥注近徵子姓印綬橫斜卽在嗣君文藻成
霞分符製錦英絕莫加公於其間自苗其葩方公之仕
中書爰始知古知今宰輔所倚迨遷儀部雅習掌故遂
退谷文集

祭文

十三

十二卷

冠諸曹旋遷督捕痛絕株連保全無數更掌銓衡屏絕
逢迎苞苴不昌鑑空衡平才能之譽直徹承明司權江
右商賈不驚特擢藩副督糧於荆剔除陋例天庾以盈
循卓第一異數特膺楚漕秦輸夙夜戴星秦饑旣弭爰
奉特旨殫心任事天顏有喜擢臬西江廉以律已民自
無寬釋之是比再藩湖南一清如水興利除弊風清俗
美苗民悅服政聲益起廷論交推柄用伊邇需次卿班
東省間關設糜賑饑惠我災鰥全活無算康濟民艱承

恩議叙加級而還隨長岡卿搢笏彈冠地接樞機方擔
寸丹何期哀毀遂賦考槃優游彌性林壑盤桓自卜壽
域山抱水環有子七人各得一官孫枝繞膝齊着孔歡
享此長年人生實難龍蛇在歲大星殞時伯仲諸子降
此大戾維時叔季遠宦畱滯威州蘆山北望隕涕獨傾
奔赴雲卷水逝蘆山生母母以子貴詔封孺人肩輿相
繼陟彼太原一痛而斃遄歸治喪一遵王制日月有時
攀彼總帷啓此幽藏葬公西陲生順死安名聞四夷五
福既備考終有期生人常數無爲公悲惟是仕途失此
羽儀豐功懋烈勒在豐碑某等猶子登堂曾拜公床頓
失儀型愴焉徬徨持此瓣香如公未亡尚饗

退谷文集

祭文

十四

十二卷

高聯布太老師祭文

嗚呼人生五福罕能具足一堂四世受天之祿更享高
年大耋是祝全受全歸令終有椒鬩太夫子鄉之喬梓
積德續行正直是矢名高月旦望隆視履歷少壯老黃
髮兒齒嗣維吾師翁之所慈仲於伯叔

聖主

所知西清晉秩刑曹載司懷歸極矣翁謂非宜古云祿

養爲貧所尚予有衆子執酌執醬矧又善飯康強無恙

養予以祿予懷以暢且予有子子又有孫含飴課誦樂

退谷文集

祭文

五

十二卷

是晨昏或出或處各有司存豈必隱逸萃於一門書來
淳淳色笑如親吾師取踏方爾逡巡何期凶問近在數
旬愴地呼天泣血沾巾家人致辭辭世前期逍遙杖履
樂不可支親戚情話掀髯解頤至於大漸曾不移時不
偏不倚端坐以逝吾師聞之潛焉出涕水漿不入神飛
喪次亟起奔赴駕不待稅某等門下師所得士燕齊兩
闡成身之賜視師猶父不及翁穉未能從師送翁於隧
五福在翁實居其全存順歿寧翁無憾焉

湯具生芻陳

辭位前白雲縹緲翁已上仙嗚呼尚饗

退谷文集

祭文

十六
十二卷

清江館自製紙料會工師調神尚覽

昌黎萬年伯祭文

天報仁人宜於及身克昌厥後惟德所因教子名成達
於楓宸眷言顧之寵錫方新胡天不吊孝養莫伸篤生
年伯昌黎所宅文起八代單微一脉大略雄才陶鎔史
冊學成問世才名有赫抱璞不言將振六翮胡終阻齟
與時扞格退而課子勤勤書史諸子百家悉標厥旨三
子恪立公據一几微顯闡幽盡窮其底諸孫併侍言提
其耳學焉有成維公則喜膠庠食餼鯨鯤派起桂子香
退谷文集 祭文 七 十二卷

中杏花叢裏一子先飛紆青拖紫連鑣接軫曾不尺咫
公於是時黃髮兒齒鷄豚逮養陳餽八簋毛義捧檄喜
可知已列鼎而食方自是始胡不少延以待諸子公歸
天上身騎箕尾小子後生於何摩擬杵不相春歌罷於
里失此哲人旁皇徙倚况在某等不遠伊邇同譜予季
能無拊髀緬公平生君子所履坦坦周道其直如矢孝
友嫻睦靡哲靡否言則從之行無不比方期登堂挹茲
芳軌大廈忽傾梁木乍萎靡瞻靡依於誰之里頃聞公

計救不匍匐日月有時營葬中谷松柏丸丸佳氣郁郁
各以事牽柳莫助沐薄具生芻爲位以哭鑿此微忱澤
瞻墓木嗚呼哀哉尚饗

退谷文集

祭文

六

十一卷



祭文

祭文

祭文

代張某祭叔文

嗚呼我叔佐刺南邦年方終賈器識難量上邀聖眷下
悉民况功業敷施如翼方張又如嘉植春日載陽花萼
紛披秋實在望某緣趨庭戾止江鄉去公治所此界爾
疆盈盈衣帶一水蒼茫無由合併中心瀆瀆維大中丞
公所色養恪勤朝夕子舍徜徉中丞復命歸自閩方公
刺南土惟寐不忘首春聞計躡躡旁皇解組奔赴至止
三江因得聚首秦淮之旁倏舍我去道出淮揚卽今河
務廣待才良方擬藉手佐理河防何圖一病頓改精強
就醫來省溘焉長往白玉樓成還歸天上嗚呼已矣失
此棟樑酌酒頻獻伏惟上饗

退谷文集

祭文

十九

十二卷

祭任温叟

嗚呼温叟天產奇葩僅茁其芽天生碩果祇灼其花雨露幾何霜雪頓加如何異質忽萎泥沙温叟之品伉爽温潤玉質金相懷瑜握瑾吹氣如蘭惠施不吝朋友之交言無不信温叟之學究及天人左圖右史鄴架橫陳研精理窟去駁歸純百家諸子博雅無倫温叟之才曠世遇之繡口錦心說禮敦詩採藻摘辭殫慮抽思煙交霧集風驟雨馳戊子之秋有事塲屋不藉家世匪由竿牘樺燭易盡君才神速橫掃千軍毛錐不秃凌雲之氣國士之目相得而彰明珠出匱已登賢書彌礪其鏃一燈熒熒午夜僕僕鯨鯢浪起菱餅聯芳宜如唾手直貫長楊爲時柱石俯仰廟廊豈謂二豎遽入膏肓游鯢方運誰使之住大鵬之飛孰靳其怒鷹隼風塵載戢其翼騁驅道路竟窘其步辰已之交禮闈在邇竟以疾故不摩其壘巧匠旁觀縮手僵指離婁之目而膠其背用武無地去天尺咫尺伏枕呻吟索筆伸紙技養莫搔耶復爾

爾嗚呼溫叟而限於此謂君年少通顯有日終當勿藥
天已其疾誰爲和緩自神其術不用刀圭去此參朮乃
爾纏綿賞志竟卒忍見遺編從此絕筆鳥鳴嚶嚶鷄號
嗚嗚凡我友生旁皇若失矧在嚴君似續所賴世世門
第待子而大修文天上爾亦何害西河之痛曷其有艾
傷心慘目視此委蛻跼壽顏歿憤當以慨斟酒論文生
前高會未至宿草能無芥蒂嗚呼哀哉

退谷文集

祭文

十二卷

輓張介鼎

五倫莫大父子之親盡職門內樂也無垠乃歷險阻全
是天真吁嗟張子今之古人介鼎方生年僅二春父出
何怙母代艱辛閱二十載荏苒風塵存沒無音爲天鮮
民幼則無知長請其因長跪母前何以有身不辭况瘁
馬跡車輪齊楚燕趙晉鄭吳陳山巔水涯村舍城闈誓
等父歸往不遑巡百舍重趼誠感蒼旻吳門巧遇悽愴
傷神父子重聚夙志以伸急請返轡門闌氣新升堂獻
退谷文集

祭文

三

十二卷

壽謂爲大椿何期不祿重罹禍屯方歸遽殞泣血沾巾
竭蹶營葬何敢欠呻母氏劬勞甘旨莫申更有夙逋誰
釋爾貧經營跋涉又三十春養志承權適此昏晨家道
以康誰責爾緡葢萱堂謝世形槁衣鶉廬墓甫畢返我真
醇涉淮溯江勇往無倫皈依博山反棹天津凡此立身
孝可稱純龍蛇在歲數值遭逆物理自然長生莫論惟
是綱常明此大倫可風薄俗使民興仁陳詞進酒筵豆
以饋介休正首歸於窳窳尚饗

祭周親翁文

嗚呼燕臺之北長江之滸雲山綿邈想公芝宇與公分
袂遂隔今古憶公先世七閩作祖逮遷秦淮分派漳浦
六代於茲以篤家祜爰出我公拔起儕伍左圖右史前
規後矩孝友著聞忠信是主涼薄成風公無一取惟是
素心仁以爲輔事業日隆譽望大起交滿天下群分類
聚天各一涯長懷舊雨殆登期頤樂是園圃繼起有人
克繩厥武騰遠魁梧雲霄鳳羽某某奇傑人珍璫瑪諸
退谷文集

祭文

十二卷

孫繞膝含飴以撫春花秋月洋洋栩栩樂此幽居允稱
樂上某等誼屬周親友聯肺腑從公之後婆娑雲樹臨
水之濱陟山之怙酒後耳熱長歌起舞有事京華牽車
旁午與公別時曾無患苦騰遠在都晨夕傾吐問公起
居振襟捉麈豐饌如常有力如虎何圖訃來令我長慚
以今初夏白雲縷縷厭世上仙鄴翔天姥公亦何憾無
拂無悔惟是某等儀難再睹里罷歌吟春不相杵非如
疇昔城南尺五遙遙天涯祭奠何所爲位以哭有酒載

醕庶羞在陳誰與晤語公靈不遠鑒茲心膂嗚呼哀哉
尚饗

退谷文集

祭文

二四

十三卷

祭張慎五妹文

嗚呼平生之好千里之遠兩地七載不能奮飛前年去年君來京畿王事所迫信宿而歸前猶如故去秋大非聲音笑貌無復魁肥剪韭夜話飲啖希微言及家累兒女情依君之叔子季女許妃諄以相託允贅入闈來朝分手車馳馬駢維時倉督呂少司農文字夙契接待優隆經紀漕務檄行如風沿途協應安然回空旋家頤養冀保厥躬何期中滿藥石無功仲春廿二祿命永終去秋夜語恍如一夢悠悠身後遺恨何窮君子吾壻齒方成童及爾養正如日在東自此失怙誰爲發蒙君之長子家累所叢文筆雖健食指交訂吾妹孱弱諸甥幼冲支左屈右庶薄奚克計惟減口屬叔於儂女雖待年將館於官載之而北晨夕與同辨其氣質察其明聰與我之子文史偕攻倘其不然文義粗通隨才量力權衡適中居貨行商雜職登庸胡爲執一總待磨礪以此報君自君夙衷但恐吾妹割愛憂忡不過五年歸聚房櫳子

塤團團拜姑哭翁嗚呼已矣始吾與子各期名世經經
緯史道義相劘行能相比我以晚遇雖覺危齒君以世
職往復來此再聚十年不爲太侈胡君不弔費志以死
君之先子方嚴如矢君之後人長子鵬起萬里揚風
宗摯指况復多男家事可庀君宜瞑目憂中有喜千
訴衷憑此片紙訣別之言今猶在耳披讀靈前終期
始倘食我言有如白水嗚呼哀哉尚饗

退谷文集

祭文

天

十二卷

祭丁德輔文

嗚呼生人之趣憂患之途生而自逸與化俱徂追維往
哲多歷艱虞困心衡慮終履亨衢苟或不然不自磨鏘
優游放逸亡也忽焉彼創業者志氣無前雖遭傾跌自
矢彌堅乘時邁會漸至亨泰猗我德翁規模本大氣宇
軒昂南金大貝少負奇質鄉里稱最長而治生斯邁斯
征廢著鬻財皇皇厥聲顧多困頓心業屢更翁不少挫
其氣愈橫求田問舍男婚女嫁生事日繁應接不暇翁
於此時夙興夜罷事必躬親臧獲不假積勤則裕繩趨
尺步應事接物惟誠是務生焉殖焉益生益聚愈自撝
謙盈滿是懼天祐善人其業日新六丈夫子振振恂恂
併承翁業或志垂紳各付家事樂是天親含飴弄孫孫
復有子一堂四世更相濟美翁於斯時顧之色喜投閒
娛老亦可以止秦淮有水長干有花扶老流憩絜榼浮
榼撫今追昔樂未有涯胡不長此計至京華翁子儒上
夙能色養以事至京聞計悽愴日月有時圖歸會葬與

翁子游能無悵望計翁平生始勞終豫子孫滿前琴瑟
在御堂構隆隆復有何慮全受全歸含笑以去惟是生
人未能忘情死生異路忽托輕塵陳辭致奠于藻于蘋
翁其鑒之歸於窆窆嗚呼尚饗

退谷文集

祭文

三

十一卷

祭李元伯文

嗚呼人之於世也前有承後有繼中有以不負於身所謂存吾順事沒吾寧者求如是而已仕與不仕固不論也蓋人之於仕惟其所志志乎仕則仕而已矣志乎不仕則不仕而已矣志乎仕雖可以不仕而力足以赴乎其途則其心焦然其色勃然寤寐輾轉百端交集無加於仕者况乎可以得仕之途當世未嘗乏也卒亦必仕而其究也所謂存順沒寧以承先啓後不負乎其身者不知其所得與不仕者究竟何如而志乎不仕者雖可以仕力既足以赴乎其途才又足以治乎其事而其意瀟然其守確然卒必不仕而其究也前有以承後有以繼中有以不負乎其身存吾順事沒吾寧也較其所得與志乎仕者孰多我元翁李公以馳騁當世之才踔厲風發於盛壯之時謀無不臧求無不獲當是時爲公計者謂宜乘時奮發驥首當路况其資格本可以得一官固宜出身加民以發洩其才情意氣豈不足以震耀當

世爲親戚交游光寵而公不願也孝親悌兄教子課孫
交友信取與不苟以厚自植於人倫名教之間見義而
趨濟緩急而周恤困乏者無不爲也視夫可以取榮名
致身通顯者忽焉不加希冀於其心蓋公閱世深見幾
早不待其不可爲而始不爲又不必懲人之不可爲而
始不爲也晚年時花種竹一觴一咏時時暢發幽情坐
看子舍敬勤孫枝玉立天民之樂何以加焉辱與公遊
知公最深方私有羨於公而計音忽至始而泫然已而
釋然謂公享上壽備五福真所謂存順沒寧不負乎身
而大有以承先啓後者仕不仕豈所論哉山河綿遠無
由親奠桂酒椒漿式飲式燕公而有知鑒此一念尚饗

祭李元伯文

代

嗚呼人之生也溘如朝露方露未晞百物霑濡初日乍
暎曾不我澍又如隙駒隙中一遇方公之幼振振華胄
說禮敦詩墳典是究壯而有爲載馳載驟不少賢良無
出公右當公未老奉身已早水邊林下十洲三島教子
課孫有德有造如此百年遐不壽考蓋公之才游刃恢
恢苟用於世掣電奔雷而公之志堅不可回苟善其身
安用挽推雖公資格足振六翻秘其霖雨韜其經畫可
退谷文集

祭文

三
十二卷

仕可止惟其所擇進退寬然綽有餘裕某以猶子拜公
於里重以世好締婚兒女矧我嚴君訂文於始花晨月
夕追公杖履二老怡怡前覩後隨頃某北游謂足相依
曾未半載竟爾分飛計問踵來涕泗交頤某爲不道中
心是悼含飯不親呼天莫告曾不如公九原含笑諸子
滿前諸孫英少全受全歸視民不佻我父有知曾是爲
孝頃聞公靈葬事是營日月有時鬱鬱佳城執紼引轡
歸於九京會葬千里孰不宵征我獨于罹弗躬弗親中

心漺漺莫究我情河水湯湯江水泱泱精誠莫致道阻
且長桂酒椒漿遙奠一觴百世茫茫歸於大荒嗚呼哀
哉尚饗

退谷文集

祭文

三

十二卷

祭李惠臣文

兩世婚姻契好方始天胡不弔遽歌蒿里方君之少才
華敏妙威儀整肅視民不佻上事嚴親甘脆日陳友于
伯季振振恂恂逮其旣壯風規道上馳驅燕趙事業益
廣屢定大計事無鉅細先事而圖事後皆濟以君之才
當與計借畱養慈親遣子北來伯子梅舟杖策來游坦
腹予姪克剛克柔仲子廷翼允稱難弟家務付之早夜
淬礪有子如此胡不樂只明春大慶肆筵設几梅舟謀
歸肅將行李予撰蕪籩用祝兒齒何圖計來不待旋里
嗚呼已矣君才若彼方爲世倚勞我以生逸我以死未
竟之緒待諸繼起嗚呼哀哉尚饗

退谷文集

祭文

三

十二卷

祭三祥萬文

雁行中斷相失蓬瀛明月蘆花無復齊鳴翳我祥萬上
有二兄齒有少長均秉一誠方其游吳自金鄉城事業
日起忠信持平歷年歸省兄弟迭更恂恂怡怡時靡有
爭宜其謝世尙其主盟維茲難弟二方齊名高其戶牖
賓客縱橫冠蓋滿座贈縞班荆譬左右手忽焉神驚失
此季弟愴悅傷情爲之營塋卜日歸塋余以操觚主其
前楹旅櫬在室黍稷粢盛三年不倦祭必大烹靈前燈
退谷文集 祭文

十二卷

火無夜無明余目擊久中切屏營孝弟之心油然而生
惠且歸矣稚子悲迎撫此遺腹何必程嬰兄兄弟弟家
道以成嗚呼尚饗

祭羽南父文

嗚呼樹欲靜而風不寧子欲養而親不在曩與大弟客
京邸每念斯語黯然神傷大弟亦爲動容然尚不覺終
天之恨之刺心銷骨欲報無從也姪父棄姪久得祿而
不能養姪則已矣大弟猶可及爲也蓋其時叔父康強
善飯所欲得於子者顯親揚名不欲其屈首牖下跼蹐
如轆下駒而大弟之所承志於叔父者亦欲乘時奮庸
熙績亮工爲時名臣以副親心耳不圖將及祿亦如姪
之祿不及養也嗚呼前年大弟歸省膝下復祭田飭祠
墓部署家政一一皆由叔父規畫而稟行之當是時叔
父神王氣健無秋毫疾痛而大弟方以積日累勞指顧
詮選得司馬由此飛皇騰達籃輿迎養轉盼間耳何
乃睽違未久遽罹大故亦如姪之祿不及養也嗚呼念
大弟爲賢方伯上客心計口畫手不停披日無寧晷旣
已求代不能求歸不得牛眠之地馬鬣之封夫豈易言
而大弟嘔血酸辛奮不顧身輕數千里以圖窀穸此其

祭輿天兄文

嗚呼弟與吾昆巽幹同根昔在勝國定鼎金陵而始遷
祖風發雲屯維時扈從積有勞動論功行賞厥賞維均
自是以後代有聞人忠厚傳家以長子孫歷三百年世
澤咸遵我祖我父篤保真淳兄祖兄父歸於至誠予也
樛材株守一經兄才博大早克國賓游於輦下倒屣公
卿從兄游者千人之英循資授職宜歷要津遲回審慎
未卽垂紳鬻財廢著業與日新早歸林下杖策水濱蒔
花種竹以樂天真嗣子燦西長於諸昆均能養志順乎
其親諸孫玉立咸奉笑頰予亦追陪月夕花晨予希微
祿跋涉風塵燦西亦來併集於京時時過我遙望白雲
白雲之下每自馳神頃違問視音問頻頻問兄近履有
健無呻謂宜春秋比於大椿胡轉盼間遽以計聞予遽
聞之涕下沾巾徐而思之兄亦無恨爲郭有道東國人
倫兒婚女嫁締結朱陳于孝孫慈萃於一門况登上壽
志無不伸全受全歸不亡者存燦西圖歸將謀笈窻日

月有時歸於佳城予以館職曳履丹宸祭弔莫致何以
為情馳辭致奠以表我心迴憶家居自冬徂春未見幾
時罹此邇迤嗚呼哀哉尚饗

退谷文集

祭文

三六
十二卷

祭呂太夫人文代

位祿名壽根於大德外內雖殊其本必植聖

聖祖內儀有則敬適舅姑虔供婦職育子之閱胎教是飭煌

煌大訓今古同式矧在承家其敢不克翳維夫人東國

人倫徽音世嗣聖善來嬪作配聖公公子振振若以福

言萃於一身位超五等與國同春祿享茅土華轂朱輪

名在丹書式煥楓宸壽登大耋比於大椿諸福之祥豈

日無因福生於極德能通神推本而言婦職克遵夫人

退谷文集

祭文

三

十二卷

爲婦孝養備申夫人爲母克家以仁致膺封誥一品夫

人諭祭優渥篚筐卑陳中庸至矣祖訓如新某之仲子

坦今聖公托在藎尊聞見昭融景行母儀有槩於中日

月有時反於幽宮杜椒酒幾達於喬崧尚饗

祭呂太夫人文

祭劉耀光母

勞我以生逸我以老矧在坤貞操作必早相夫持家中
綦衣縞上奉舅姑中和妯娌女嫁男婚悃焉如憐家務
紛煩勞人草草中年以後家累始掃迨至大耋康寧壽
考子孝孫慈維家之寶頤養天和熙熙皞皞脫非子賢
焉舒懷抱維太母賢始享大年朱顏白髮望之若仙晨
昏色養奉以周旋春花秋月籃輿在焉絃歌酒讌笑語
喧闐孫曾在側子婦趨前無形之視志怒以蠲無聲之
聽謦欬以傳所以然者五子比肩少能養志至於華顛
哲士茂達上舍翩翩耀先正持赴逸於燕兄弟怡怡母
絕愛憐以此永日五福能全况復諸孫皆弟子員食飴
膠庠外翰行詮文章聲價步武相聯曾孫鵲起門墀襟
連彬彬郁郁介壽華筵云胡不樂光景無邊但希壽逸
宜若登天不察母勞原在盛年敬適舅姑罔敢俄延教
子課孫辛勤萬千積勞成逸夫豈偶然假令懷安教不
三遷假非子孝志一心堅福不輕身安得縣足知母

勞原在逸先母天年終忽起悲風白頭諸子血淚皆紅
母本上仙反駕珠宮儀型母範瞻望遙空母之季子卜
地江東牛眠鶴舉鬱鬱恻隱隆隆吉在其中日月
有時歸於喬松次第安詳誰謂忽忽今真大逸與化無
窮尚饗

退谷文集

系文

四

十二卷

祭王張母

嗚呼吾知女德堪維世風顧多醜烈未近中庸抑或茹
棘白首成空夫業未就子囊難克有洗有瀆以我御窮
是請苦節福履未豐緊惟王母德性昭融筭適望族逮
事舅翁夫業大起如日在東丈夫子三一一才雄七孫
玉笋人謂終童曾孫繞膝吐氣如虹諸婦承歡德備容
工舉案齊眉志無不通七十四年坐春風中視彼苦節
首如飛蓬望母天上善始令終猶憶昔年仲子在燕三
輩交好屢道母賢執公姑喪食不下咽相夫結納雜珮
屢捐朋好時集肅將豆籩逮教三子約束彌堅以此諸
孫振振翩翩道母曠達道母樂天日月易邁如矢在弦
夢幻泡影隙駒過前花甲以外便欲上仙孫曾孝服手
自紉焉空諸所有種人識田頃聞善飯家門遙傳慰勉
仲子爾未息肩爾兄爾弟與我周旋諸婦孫曾朝夕維
乾勉就大業切勿懸懸曾未幾時鶴駕翩躚乘彼白雲
歸於九泉遙想孟季泣涕漣漣載瞻仲子向梁杜鵑吾

輩歎母可謂百全節苦難貞莫之或先知與夫子德同
行比情之所鍾惟山與水廿載以前便指一壘有佳
氣牛眠在彼同室同穴將葬於此諸子承志樹相與祀
鬱鬱青青匪爲觀美奉母以歸得其所矣望祭天涯邈
臻桑梓日月有時歸於其里尚饗

退谷文集

祭文

四三

十二卷

祭王張母 代

生順死安達人之觀卽在女德一視同看我友有母在
御承歡無何行役况也永歎與共晨夕屢見忘言歸彼
白雲彌望漫漫有親在焉恨無羽翰人事紛糾應接實
繁老父老母誰與盤桓往往謀歸脫身良難老伯書來
頻仲子寬予頗健飯孰謂衰殘因道母言勿事大

孝安親小孝戔戔吾與爾父雖登大年一堂四子奉以

周旋維爾孟兄日巾甘鮮爾弟養志時時在前諸婦問

退谷文集

祭文

四

十二卷

視戚黨稱賢孫曾繞膝皆可愛憐惟爾在外不得息肩
我與爾父寧不倦倦顧惟大計安事林泉爾器不凡早
屬望焉待大吾門矢志宜堅雖承慈命彌復懸懸微聞
違和五內方煎訃音踵至忽而上仙仲也當此躡地躡
天寢苦枕塊泣涕漣漣縷述懿行四德胥全生事舅姑
祭潔豆籩左右君子盡謝丹鉛閨門整肅內言不傳鞠
子之閔夏誦春絃鞭辟近裏動容周旋中規中矩莫敢
俄延得有今日幸免迤邐無敢隕越母實使然母性儉

勤句識曠達七十以前謂豈常活溘委朝露蟬蛻便脫
預爲十姓營哀與葛如此曠解何愛不割二豪侍側真
如毫未聞我老伯牛眠早擇奉母歸山佳城是宅絕無
遺憾真同過客惟是諸子驚心動魄盡禮盡哀弔者噴
噴節哀就業慎無母逆我輩通門維舟無麥肅將几筵
佐以祭帛母靈有知來享來格尚饗

退谷文集

祭文

四
卷
十二

祭朱親母王孺人

嗚呼女適高門托母以生敬恭朝夕得以言情母生女
安計至神驚匪無尊舅仰事屏營匪無所天退讓性成
日媼曰媿未善逢迎委宛垂察情愫以明詎無未諳明
示以誠焉無橫逆事過則平母也天只感莫能名何圖
母病夙夜溫情多方醫治卒以不競捨地呼天血淚交
迸母方游仙女隨致命奄奄一息氣壅痰盛加此達旦
毀幾滅性足知母恩入女之深俯仰無告痛入於心百
身莫贖地下追尋迄今伏枕展轉悲吟歸嘗告父姑勞
有素黽勉有無長慮却顧自姑歸翁中饋已付姑方未
歸豐饒有素富而能貧適丁窘步盡出簪餌以定家務
舅善交游座滿舊故時製盤餐以通欸懽辦於咄嗟阻
越是懼平原十日車馬常駐陳榻時下何朝何暮無衣
搜篋無酒謀酤連宵卜夜姑常不寤卽今舅疾勞不得
息夜恒數起扶掖是力且視醫藥併營飲食間迪吾女
此皆婦職積勞致病至於此極嗚呼已矣伊于胡底無

姑曷賴無姑曷恃父母在北未卽還里知甘苦者唯姑而已今也不幸猝至於此豈唯女悲一病不起汝母遙聞旁皇徒倚涕泗交頤爰治筵几憑夫愚婦攄丹以紙申致母靈幽明尺咫知予隱痛自今伊始嗚呼哀哉尚饗

退谷文集

祭文

十一卷

祭饒親母文

嗚呼女德之貞相夫玉子地道無成代終如始憶昔相
將拜母於堂維時長公嶽嶽懷方行修經明入對大廷
家居需次傾蓋平生醴酒旣清箛核維馨觥籌交錯延
見季君業廣望崇杯酒從容讀其文章自闢蠶叢豳孫
惟一威儀棣棣文以行先每懷靡及次第唱酬三爵油
油洗盞更酌時復登樓寧馨阿敏之吾已審稱其家兒
襁負相引顧盼精英着字亭亭曰予弱息約爲婚姻長
退谷文集 祭文
公拊手割襟以肘稟命太母含飴肯首諾朝晨良復拜
於堂更得仲君千頃汪汪伉爽之志昂藏之氣玉友金
昆鸞停鵠峙諸孫堂上禮數相向微窺太母心神以曠
曾不逾時弱息不支斯盟未替連理生枝予弟長女母
季長子更申盟誓阿遵復起翠竹碧梧信美且喜予弟
坦此又托葭莩自是以後歲一邂逅名花傾國折簡消
受平原十日式飲式食漉漉羶羶誰因誰極母以予姻
必躬必親雖在大年弗節於勤閨門整肅逮及僮僕賓

至如歸無太母涕方謂未艾坤輿永載曾不數年樂不
可再母也上賓延及冢君期月之內失此兩人涕泗滂
沱如江如河俯仰今昔傷如之何維仲及季善承母意
生能養志沒爲卜地爰得佳壤日吉時昌松楸浙浙九
里之陽靈輻將駕悲風發發匍匐襄事天塹飛達執紼
道旁薄奠椒漿母也有知盡此一觴長公未往鑒此旁
皇嗚呼哀哉伏惟尚饗

姪世隆汝卜校

10434

退谷文集

祭文

兪

十二卷

